

Goibekokale

ELGETA / Barikua / 2002ko abenduaren 20a / 123. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Datorren egueneko osoko bilkuran eztabaidatuko dituzte aurrekontuak

OXEL EROSTARBE

Abenduaren 26an, datorren urteko aurrekontuak eztabaidatuko dituzte zinegotziek. Oposizioko zinegotziek ez dute erabaki alde edo aurka bozkatuko duten. Lerro hauek idaztean, osoko bilkuraren ordua ez zegoen zehaztuta. Ziurrenik, eguerdian izango da.

EAJ-EAko zinegotziek proposatutako aurrekontuaren alde bozkatzea nahikoa izango da osoko bilkuran eztabaidatuko duten aurrekontua aurrera ateratzeko. Hala, alkateak proposatutako aurrekontuak direla-eta Bittor Gallastegi, Sebastian Arantzabal eta Xabier Basauri zinegotziek zein jarrera hartuko duten jakitea bakarrik geratzen zaigu.

Eztabaidatuko duten aurrekontua 3.559.640 eurokoa da. Iazkoa baino hiru bider handiagoa. Inbertsioek eragin dute aurrekontuaren igoera.

PAGATZA ETA TORREALDEA DESBERDINDU
Pagatzako industrialdea Lehenengo erreforma arte zabaltea da

Aurrekontu proposamena

Abenduaren 26ko bilkura orokorrean eztabaidatuko dena	3.559.640 €
Iaz, EAJ-EAren eta Batasunaren aldeko botoekin onartutakoa	1.132.593 €

Iazko aurrekontua baino hiru bider handiagoa da aurten proposatu dutena.

Inbertsio proposamenak

Pagatzako industrialdea zabaltea	1.639.275 €
Espaloia Kafe Antzokia	265.659 €
Eguneko Zentroa	133.153 €
Mendi Nekazaritzako proiektuak (Uriarte auzora ura eramatea...)	78.131 €
Torrealdeko etxebizitzak	60.101 €
Berraondoko aparkamenduak ondo jartzea	42.070 €
Semaforoen proiektua	31.336 €
Arau subsidiarioak	27.346 €
Irisgarritasun plana	13.655 €

INBERTSIOAK, GUZTIRA	2.415.747 €
IAZ INBERTSIOEK IZANDAKO AURREKONTUA	251.619 €

aurrekontu proposameneko inbertsio nagusia. Inbertsio hori eta Torrealdeko etxebizitzena gainerako inbertsioetatik desberdintzen dira. Inbertsioetan aurreikusten den diru kopurua, Indus-

trialdean kokatzen diren enpresek eta Torrealdean etxebizitzak eraikiko dituen promotoreak ordainduko dute. Plangintza eta urbanizazioa egindakoan ordainduko dira.

Iban Arantzabal:
“Ziur nago Udaleko zinegotzi guztiak Espaloitari dagokion partidaren alde egongo direla”

Bittor Gallastegi:
“Inbertsioak egin beharrekoak dira. Egokiagoa litzateke diru sarreren arabera egitea”

KAFE ANTZOKIAREN ALDEKO APUSTUA
Aurrekontuetako bigarren inbertsio nagusia Espaloia Kafe Antzokia da. Proposamenean jasotzen denez, 265.659 euro bideratuko dira horretara. Goibeko Kultura

Elkarteko presidenteak, Iban Arantzabalek, GOIBEKOKALE-ri esan dionez: “Poztekoa da dirutza hori Espaloirako dela jakitea, elgetarrek eskertuko dute, duda bariarik. Oraindik negoziatio lan gogorra geratzen da egiteko, eta Goibekoko bazkideak guztiaren jakinean egongo dira. Udaleko zinegotzi guztiak alde egongo direla ziur nago, jakina, Espaloitari dagokion partidana”.

OPOSIZIOAK EZ DU ERABAKIRIK HARTU
Aste honetan, batzarra egin dute oposizioko zinegotziek Patxi Basauri alkatearekin. Bittor Gallastegik GOIBEKOKALE-ri adierazi dionez, ez dute erabaki aurrekontuei dagokien bozketan zer egin: “Alkatearen aurrekontuetan, gure batzordeetatik egin diren proposamen gehienak kontuan hartzen diren arren, egongo diren diru sarreren aurrean zalantzak ditugu. Inbertsio ugari aurreikusten dira, eta egongo den diru sarrera zenbatekoa izango den ez dago argi. Inbertsioak egin beharrekoak dira. Egokiagoa ikusten dugu, ordea, horiek diru sarreren arabera egitea”.

GABONAK

Olentzerok abenduaren 23an jasoko ditte umien gutunak

O.E.

Gabonak heldu dira. Honezkerok, Olentzerori eskatu biharrekuekin egindako gutuna idatzita eukiko dozue. Olentzero abenduaren 23an etorriko da horrek gutunak jasotzera. Gabonak dirala-eta antolatzen dan parkia urtarrillaren 2xan, 3an eta 4an egongo da zabalik.

Abenduaren 23an, Intxortatik etorriko da Olentzero Elgetara. 18:30ian, herriko neska-mutikuek idatzitako gutunak jasoko ditte Olentzerok, herriko plazan. Olen-

tzeroren etorrerriakin hasiko dira Gabonak dirala-eta antolatu dituen ekitaldixak.

ESKOLAKO UMIAK, KANTURA

Eskolako umiak abenduaren 24an kantura urtengo dira. Azken astietan jardun dabe Gabonetako kantuak entseiatzen. Guraso eta andereñuek be hartuko dabe parte. Batzen daben dirua, urtero moduan, Karnabaletako merienda ordaintzeko izango da.

GABONETAKO PARKIA HIRU EGUNIAN

Urtarrillan 2xan, 3an eta 4an egongo da zabalik Elgetako Gabone-

tako parkia. Kiroldegiko gimnasia eta pilotalekuan egongo ditte jolasak. Bestiak beste, arku tiroketia, ohe elastikua eta pilotaxe-puzgarrixa egongo dira. Horretaz gain, floor-ball, maza-ball, esku pilota, globo-flexia, mini-golf eta patin jolasetan jolasteko aukeria izango da. Eguneko sarreriaren prezia 1,75 euro da eta hiru eguneko bonuana, 4 euro.

AITOR GOROSTIZAREN POSTALA ONENA
Berrigara-k, GOIBEKOKALEK eta Goibekok antolatutako Gabonetako Postal Lehiaketan Aitor Gorostiza izan da elgetar onena.



Intxortatik etorriko da Olentzero, eta gero, plazan jasoko ditte umien gutunak.

KIROLA

Hogeita hamar ume Gabonetako Pilota Txapelketan

O.E.
Abenduaren 23an, 27an, 30ean eta 31n jokatu dira Gabonetako Pilota Txapelketako partiduak. Guztira, 30 neska-mutikok eman dute izena. Hala, lehenengo hiru egunetan kanporaketak egin ondoren, abenduaren 31n, txapelketako finalak jokatu dira. Aurten ere, Guraso Elkarteak eta Ozkarbi Pilota Elkarteak antolatu dute txapelketa.

EÑAUT ARANTZETA, GETXOKO FINALEAN
Amateur mailan txapelketa garrantzitsua da Getxokoa. Eñaut Arantzetak eta Jabi Oteizak txapelketako finala jokatu dute abenduaren 29an. Elgetarrak eta zarauztarrak txapelketa bikaina egin dute. Finalurrekoan, esaterako, Lopez Aldai eta Zabala hartu zituzten mendean: 22-16.

Eta aurreko aste bukaeran, bigarren finalurrekoa jokatu zen: Albizurik eta Muniozgueren 9-22 galdu zuten Eguzkitzaren eta Bengoetxearen aurka. Arantzetak eta Oteizak, beraz, haien aurka jokatu dute finala. Txapelketari amaiera emango dion partidua abenduaren 29an, goizeko hamaiketan, jokatuko da, Getxoko pilotalekuan.

BOLO TXAPELKETAKO AZKEN TIRADA
Gabonetako Bolo Txapelketako laugarren eta azken tirada jokatuko da zapatuan. Gaueko hamaiketan hasiko den tiradan erabakiko da aurtengo irabazlea. Faboritoen artean, Rikardo Albizuri, Imanol Osoro eta Mikel Almortza daude. Hain zuzen, lehenak bost txirlo jo ditu orain arteko tiradetan, eta beste biek, launa.



Urtero moduan, herriko ume gehienek hartuko dute parte Guraso Elkarteak eta Ozkarbi antolatutako txapelketan.

GOIBEKOKALE



Intxortan be amnistiaren alde

Urtarrillaren 6xan, gudari-zei, presuei eta errefuxiauei omenaldia egingo dotse Intxortan. Urtero moduan, Elgetako eta inguruko herrietako presuen aldeko taldiek antolatuta.

Intxortako ekitaldia goizian izango da. Eguerdia aldera, saldia banatuko dabe. Gero, txalapartia eta bertsolariak entzuteko aukeria izango da. Ekitaldi politikua amaitzian, poteua eta bazkaria izango dira Elgetan. Bazkariko txartelak Haizean dare salgai. /O.E.

LABUR

Andoni eta Hiart irabazle Arrasateko Dantza Txapelketan

Aurreko domekan, Arrasateko Dantza Txapelketia irabazi zeben Andoni Elortzak eta Hiart Bolinagak. Honekin garaipenonekin, bukaera ezin hobia emon dotsa Elgetako bikotiak aurtengo saieui.

Andoni eta Hiart Euskal Herriko dantzari onenen artian dare. Dantza kontuetan jardun dabeneke, behintzat, hala diñue. Datorren urtian be onenen artian ikusi nahi dittugu. Horretarako, gogor jarraitu biharko dabe, oin arte moduan. Zorionak!

INGURUMENA

Energiaren agentzia lokala sortu nahi dute

O.E.
Eguzkiko kide Alberto Frias Elgetan izan zen aurreko egunean. Maya ingurumen taldeak antolatu zuen berbaldea, eta herri mailan energia alternatiboak garatzeko dauden aukeren gainean jardun zuen Alberto Friasek. Behin baino gehiagotan azaldu zuen energia alternatibo eraginkorra eta merkeena energia bera aurrezteko dela.

Eta energiaren agentzia sortzearen garrantzia nabarmendu zuen, ingurua ondoen Udalak eta herritarrek ezagutzen dutelako.

UDALAREKIN NAHIKO HASERRE
Maya taldeko Rebea Uberak GOIBEKOKALeri adierazi dienez: "Urtebete da energia alternatiboak aurrera eramateko plangintza Udalarik aurkeztu geniola. Denbora dezente goaz ingurumena dela-eta plan bat martxan jartzeko eskatuz. Ingurumenaren gainean Elgetako Udalak interesik ez duela nabarmendu nahi dugu. Energiaren agentzia lokalean beharrezkoa da Udalaren parte-hartzea. Udalarik ez like diru kosturik ekarriko, eta energia aurrezten hasteko lehenengo pausoa izango litzateke".



Maya ingurumen taldeak antolatuta, Eguzkiko bozeramaile Alberto Friasek berbaldea egin zuen Elgetan.

O.E.

ERRETRATUZAHARRA

ANTZUOLA


Gabonetako
jaialdia,
1968. urtean

Gabonak gainean ditugula-eta, sasoi baten herriko umeek Gabonetan egin zuten jaialdi bateko argazkia dakarkizuegu oraingo astean atal honetara. Orain dela 34 urtekoa da argazkia, 1968. urtekoa, alegia.

Gurasoen Elkarteak urtero antolatzen zuen umeen jaialdia, Gabonen inguruan, eta hainbat ume taldek eskaintzen zituzten ikuskizunak egun hartan. Hain zuzen ere, Lapatzak errepide ondoan duen garajea egiten zuten Gabonetako jaialdi hura. Nahiko toki txikia zen, baina jaialdi polita antolatzen zuten.

Oraingo astean ekarri dizuegun argazkia, esan bezala, 1968. urteko Gabonetako jaialdian ateratakoa da. Hala, sasoi hartan, 6-7 urte izango zituzten argazkian azaltzen diren mutikoek. Badirudi egin zuten emaldiaren une baten ateratako argazkia dela, eta kantuan eta dantzan ari direla.

Hona hemen argazkian, taula gainean, azaltzen diren mutikoak,



ezkerretik eskumara: Bittor Arbulu, Juan Arbulu, Joseba Iparragirre, Mikel Larrea, Nikolas Zabalo, Gotzon Iparragirre, Rafael Carmona, Joseba Lamariano, Jose Miguel Egaña eta Jose Manuel Aranburu.

Argazkia: Purita Zabalo

ADI IRAKURLE!


Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

ANTZUOLA

Maristetako
frontoia

Oraingo astean, 1944. urteko argazki bat ekarri nahi izan dugu tarte honetara. Maristetako frontoia-ren argazkia dugu, hain zuzen ere. Mutikoz beteta ikusten dugu pilotalekua. Maristetako ikasleak izango ziren, segurue-na, argazkian azaltzen diren mutikoak. Maristenak izanda-ko hainbat eraikin bezala, frontoia ere bota egin zuten, eta, hala, etxebizitzak eraiki zituzten hantxe.



1944 Maristek garrantzi handia izan dute Antzuola-ko historian eta bizitzan. Hona hemen erlijioso haien frontoia.



2002 Gaur egun Eguzki auzoko etxebizitzak dauden tokian zegoen frontoia. Frontoia bota, eta 1977. urtean, etxebizitzak eraiki zituzten.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.



Eskuko poltsa
NINFA JANTZIDENDA
Ibargarai 6



Modin pijama
NEREA LENTZERIA
Simon Arrieta 1



Sensi Armani perfumea
EGILUZ PERFUMERIA
Irizar 3



Bóboli jertseak eta prakak
MARKELINE UMEEN ARROPA
Herrilagunak 6



Sony kamera digitala
ARGAZKI
Barrenkalea 16



Columbia jaka
XAMARTIN KIROLAK
Ibargarai 20



Lora zentroa
GOROSTI LORADENDA
Matxiategi 3

OPARI BERRI ON!



Figfort lentzeria
GRACIAN MERTZERIA
Bidekurutzeta 6



Lepokoa eta eskumuturrekoa
HARAIA ZILARREZKO BITXIAK
Boni Laskurain 4




Genfins alkandora eta prakak
ZUBIKUA JANTZIDENDA
Barrenkalea 24

ARREGI AROZTEGIA




PVCzko
LEIHOAK



Zatoz gure
erakusketa handitu
eta berritura.
Bidekurutzeta
38an gaude.

HORMA ARMAIRUAK



SUKALDEAK

ATEAK ETA
LEIHOAK



BAITA ERE: Tarimak, parketak • Gradulux pertsiana eta kortina graduagarriak • Flex koltxoiak • Mota guztietako arozlanak

Tailerra Urteaga, 20. 943 76 11 73 Erakusketa Bidekurutzeta, 38. 943 76 31 03



*Eraman
dotoretasuna
eta plazerra
zure etxera*

*Bainu altzariak eta
osagarriak.*

*Hidromasaje bainerak
eta kabinak*



gelatzu

Zubillaga auzoa 1.
OÑATI
Tel.: 943 71 63 22,
Faxa: 943 78 15 51